



Secretariado
Gabinete de Relações Públicas

Agenda no 126/II
Reuniaun Plenária Extraordinaria
Kuarta-feira, 30 de Julho de 2008

Sesaun Plenária ba loron ohin nian, preside husi Presidente Parlamentu Nasional Sr. Fernando La Sama de Araújo hamutuk ho Vice-Presidente Parlamentu Nasional, Sr. Vicente da Silva Guterres, Sekretária Mesa, Sra Maria Terezinha Viegas no Vice-Sekretária Sra. Maria da Costa Exposto.

Plenária Parlamento Nasional ohin nian, participa mos husi Primeiro Ministro Sr. Kay Rala Xanana Gusmão no membros IV Governo Konstitusional.

Antes hahu Plenaria ba loron ohin, Presidente Parlamentu husu ba Plenária tomak atu buka mekanismo diskusaun atu Senhores Deputados sira bele participa hotu iha sesaun Plenária ne'e.

Tuir agenda Ordem do dia nian asuntu mak hanesan:

- ❖ Diskusaun no votasaun iha espezialidade no votasaun final global ba Proposta de Lei n. 10/II kona ba (“Primeira alteração à Lei n.º 10/2007 de 31 de Dezembro, que aprova o Orçamento Geral do Estado para 2008”)
- ❖ Senhores Deputados sira halo diskusaun no votasaun ba Proposta de Emenda N^o 29, “Kategoria Kapital Menor iha Ministério da Agrikultura no Peskas,” Proposta de Emenda ne'e retira husi Proponente sira depois de rona esplikaun husi Ministro da Agrikultura no Peskas Sr. Mariano Assanami Sabino no mos Proposta N^o 29 ho Proposta N^o 56 nia kontiudo hanesan. Deputados Proponentes maka Sra. Deputada Ana Pessoa no Sra. Deputada Cipriana Pereira.
- ❖ Diskusaun no votasaun ba Proposta de Alteração N^o 59 “Kategoria Kapital Menor iha Ministério Agrikultura no Peskas.” Resultado votasaun: a favor 16, kontra 39 no abstensoens 5. Proposta de Alteração ne'e la passa. Deputados Proponentes

maka Sr. Deputado Joaquim dos Santos, Sra. Deputada Maria Maia dos Reis no Sr. Deputado Ir. Mário Viegas Carrascalão.

- ❖ Diskusaun no votasaun ba Proposta de Rectificação N^o 30, “Kategoria Kapital de Desenvolvimento iha Ministério Agrikultura no Peskas.” Resultado votasaun: a favor 20, kontra 38 no abstensoens 3. Proposta de Rectificação ne’e la passa. Deputados Proponente maka Sra. Deputada Ana Pessoa no Sra. Deputada Cipriana Pereira.

Depois intervalo almosu, Plenária kontinua ho agenda hanesan tuir mai ne’e;

- ❖ Diskusaun no votasaun ba Proposta de Alteração N^o 50, “Kategoria Bens e Serviços do Ministério Público ao Anexo II para o Orçamento na Procuradoria Geral da República e Distrital de Dili.” Depois de rona esplikaun husi Ministra da Justiça, Sra. Lucia Brandão Lobato katak Procuradoria Geral da República agora dadauk seidauk persiza aumenta orçamento iha Orçamento Rectificativo 2008. Proposta de Alteração ne’e retira husi Proponente sira, Deputados Proponentes maka Sr. Deputado Domingos Maria Sarmiento no Sr. Deputado Antoninho Bianco.
- ❖ Diskusaun no votasaun ba Proposta de Alteração N^o 47 “Kategoria Bens e Serviços ao Anexo II para o Orçamento do Provedor de Direitos Humanos e Justiça.” Depois de rona no simu esplikaun husi Primeiro Ministro Sr. Kay Rala Xanana Gusmão nebe informa ba Plenária katak Governo iha ona planu atu sosa kareta 3 ba Provedor de Direitos Humanos e Justiça. Proposta de Alteração ne’e retira husi Proponente sira. Deputados Proponentes maka Sr. Deputado Domingos Maria Sarmiento no Sr. Deputado Antoninho Bianco.
- ❖ Diskusaun no votasaun ba Proposta de Alteração N^o 48 “Kategoria Bens e Serviços, Orçamento do Serviço Público de Radiodifusão de Timor Leste.” Depois de rona no simu esplikaun husi Sekretário Estado ba Konselhu Ministro nebe tutela ba RTTL Sr. Hermenegildo Agio Pereira nebe informa ba Plenária katak Governo liu husi Ministério das Finanças iha ona planu atu sosa kareta 1 ba Radio Televisaun Timor Leste (RTTL) no fornese kombustível ba RTTL liu companhia privadu. Proposta de Alteração ne’e retira husi Proponente sira. Deputados Proponentes maka Sr. Deputado Domingos Maria Sarmiento no Sr. Deputado Antoninho Bianco.

- ❖ Diskusaun no votasaun ba Proposta de Alteração N^o 75 “Anexo III Órgãos Autónomos que são parcialmente financiados por receitas próprias 2008, “Kategoria Bens e Serviços, Kapital Menor e Kapital de Desenvolvimento iha Elektricidade de Timor Leste (EDTL).” Resultado votasaun: a favor 38, kontra 21 no abstensoens 1. Proposta de Alteração ne’e passa. Deputada Proponente uniku maka Sra. Deputada Maria Fernanda Lay.
- ❖ Votasaun no todo ba Anexo III, Resultado votasaun: a favor 40, kontra 22 no abstensoens 0, Anexo III passa.

Depois de intervalo jantar Plenária kontinua ho agenda tuir mai ne’e:

- ❖ Votasaun ba Proposta de Alteração N^o 76. “Fundo de Estabilização Económica Passa para Dotações para todo o Governo – Administrado pelo Ministério das Finanças.” Resultado votasaun: a favor 39, kontra 3, abstensoens 3. Depois da aprovação ba Proposta N^o 76, iha Deputados balun maka la vota (16 Deputados) hato’o protesta ba Mesa, tamba Proposta ne’e la hetan diskusaun iha Plenária. Protesta ne’e Deputados sira baseia ba Artigo 102 do Regimento Parlamento Nasional. Depois Mesa klarifika katak, mekanismo nebe opta lao tuir regimento, tamba Proposta ida ne’e atu halo konfirmasaun ba números nebe la hanesan hosi Anexo II ho III (embora Governo haruka tiha ona Documento Errata mai loron 02 fulan Julho tinan 2008) Proposta de Alteração ne’e passa. Deputados Proponentes maka Sra. Deputada Carmelita Caetano Moniz no Sr. Deputado Fernando Dias Gusmão.

Proposta Alteração N^o 76 ne’e hamosu dúvidas ba Deputados Proponentes Sr. Deputado Osorio Florindo no Sr. Deputada Josefa Pereira ba Proposta de Aditamento N^o 65 nebe passa ona no tuir sira Orçamento ba Pensaun Combatentes da Libertasaun Nasional bele lakon tiha ho mudansa de Código ba Fundu Estabilizasaun Ekonómica nebe koloka fali iha Ministério das Finanças nia okos. Mas Governo liu husi Primeiro Ministro, Sr. Kay Rala Xanana Gusmão no Ministra das Finanças, Sra. Emilia Pires fo esplikasaun no garante katak Orçamento ba Pensaun Combatentes da Libertasaun Nasional sei iha nafatin.

- ❖ Aprovasaun no votasaun ba Anexo II ho alterações nebe aprovado tiha ona. Resultado votasaun: a favor 37, kontra 21 no abstensoens 3. Anexo II Passa.

- ❖ Aprovasaun no votasaun ba Artigo 1º, Nº 1. Resultado votasaun: a favor 38, kontra 20 no abstensoens 2. Artigo 1º, Nº 1 passa.
- ❖ Aprovasaun no votasaun ba Artigo 1º, Nº 2. Resultado votasaun: a favor 37, kontra 22 no abstensoens 3. Artigo 1º, Nº 2 passa.
- ❖ Diskusaun no votasaun ba Proposta de Emenda Nº 20 no Nº 33 ba “Artigo 1º, Nº 3.” Resultado votasaun: a favor 22, kontra 37 no abstensoens 3. Proposta de Emenda ne’e la passa no Proposta de Alteração Nº 33 prejudikadu Proponente ba Proposta de Alteração Nº 33 maka Sr. Deputado Manuel Tilman. Deputados Proponentes ba Proposta de Emenda Nº 20 maka Sra. Deputada Ana Pessoa no Sra. Deputada Cipriana Pereira.
- ❖ Votasaun ba Artigo 1º, Nº 3. Resultado votasaun: a favor 37, kontra 22 no abstensoens 3. Artigo 1º, Nº 3 passa.
- ❖ Votasaun ba Artigo 1º no todo. Resultado votasaun: a favor 37, kontra 22 no abstensoens 3. Artigo 1º no todo, passa.
- ❖ Diskusaun no votasaun ba Proposta de Aditamento Nº 36 “Artigo 2-A”. Resultado votasaun: a favor 49, kontra 0 no abstensoens 12. Proposta de Alteração ne’e passa, nune Proposta husi Governo prejudikadu. Deputados Proponentes maka Sr. Deputado Manuel Tilman, Sr. Deputado Vicente da Silva Guterres no Sra. Deputada Maria Paixão.
- ❖ Diskusaun no votasaun ba Proposta de Aditamento Nº 46 substitui Proposta Nº 38 “Artigo 2-B” Proponente retira sira nia Proposta de Aditamento ne’e. Deputados Proponentes maka Sr. Deputado José Teixeira no Sr. Deputado Francisco Jerónimo.
- ❖ Votasaun no aprovasaun ba Artigo 2º ao todo. Resultado votasaun: a favor 37, kontra 17 no abstensoens 7. Artigo 2º ao todo, ne’e passa.
- ❖ Votasaun no aprovasaun ba Artigo 3º. Resultado votasaun: a favor 40, kontra 21 no abstensoens 0. Artigo 3º ne’e passa.
- ❖ Votasaun final global ba Proposta de Lei Nº 10/II 2008 kona ba Orçamento Rectificativo ho valor total Orçamento US\$ 788.312 milhões. Resultado votasaun: a favor 36, kontra 21 no abstensoens 4. Proposta Lei Nº 10/II 2008 passa.

Antes atu encerra Plenária, Sr. Deputado Manuel Tilman hato’o requerimento ba Mesa atu halo fiskalizaun abstrata ba Decreto Lei Nº 22/Julho 2008, 16 de Julho.

Ikus liu Presidente Parlamentu Nasional Sr. Fernando La Sama de Araújo fo obrigado wain ba TVTL no RTL tamba halo transmisaun direta atu Povo Timor Leste tomak akompanha diskusaun no votasaun kona ba Orçamento Rectificativo do Estado 2008 iha Parlamento Nasioanl no Presidente mos husu deskulpa ba Senhores Deputados sira hotu se durante preside Plenária iha liafuan ladun kona ba Senhores Deputados sira nia laran. Presidente mos informa katak aban Sexta-feira 11H00, loron 31 fulan Julho tinan 2008 iha Plenaria Extraordinaria kona ba aktividade Parlamento Nasional durante resesu.

Remata.